

SERP

čo. 1

- a) Južny Serb z Tirola
- b) grat „z křiwicu“ za syćenje trawy, znaty na př. wot připołdnicy
- c) delni džěl rjapa

Prawa je wotmołwa **b**.

*Serp je žnjenski grat za syćenje žita abo trawy. Je z metala a skřiwjeny.
Připódla prajene: Tež wo hišće młodym měšačku prajimy, zo ma formu serpa.*

Připódla prajene

Mamy tež rjanej serbskej wopisani za toho, kiž jara křiwje chodži: *křiwje chodžić, jako by serp zjědl,* abo *byc křiwy, jako by serp pózřěl.* To počahuje so zaso na skulojćenu formu serpa.

Wjetši grat za syćenje trawy, kiž njeje tak křiwy, rěka kosa. A džensniši džeń mamy na zbožo tež elektriskeho pomocnika – trawusyčaka.

Přikłady z rěčneho korpusa

Něhdy su tola naši ludžo woprawdže sej myslili, zo připołdnica ze *serpom* po polu chodži a zo zmij pjenjezy pluwa. (Albert Wawrik, *Za kerkom wólša. Stare serbske powěšće*, Budyšin 1982)

Dokoła jasna čišina, ze *serpom* měšačka, nisko nad wobzorom. (Křesćan Krawc, *Wočakńmy nalěčo. Roman*, Budyšin 1989)

Komunistiske symbole kaž hamor a *serp* měli so po woli zapóslancow EU z wuchodoeuropskich krajow zakazać. (Serbske Nowiny 2005; januar-měrc)